

Splicacion presupuesto di individuonan

Na continuacion lo bo haya un splicacion di e presupuesto pa individuonan: cua costonan por y cua no por ser presupuesta? Tambe nos ta duna mas informacion tocante e contribucion personal, contribucion total y e subsidio di inversion di tempo.

Costonan cu ta subsidiabel (costonan cu ta necesario pa e plan pa implementa y tin vinculo na esaki) por ser inclui den e presupuesto.

- Costonan (materialnan) pa e produccion di trabou nobo.
- Costonan di investigacion.
- Pa proyectonan pafo di pais: pasashi ida y buelta
- Huur o amortisacion di compra di aparato. Pa aparatonan específico cu ta necesario pa un proyecto, e costonan di huur por ser hinca den e presupuesto. Tambe ta posibel pa compra e aparato necesario bo mes y hinca e costonan di amortisacion den e presupuesto. Mondriaan Fund ta aplica un porcentahe fiho di amortisacion di 33% anual. Esaki ta nifica cu pa un plan di, por ehempel, 3 luna, por hinca e aparato pa un cuart parti di e amortisacion anual ($3/12 \times 33\% \times$ montante di e compra). Den practica, ta muestra cu e presupuesto ta inclui frecuentemente e aparato di cua ta duda si ta necesario pa e ehecucion di e plan propone. Mondriaan Fonds ta enfatisa cu e aparato mester ta necesario y indiscutiblemente tin vinculo na e plan cu lo implementa. Por ehempel, e compra di un laptop o un camara digital no ta ser considera como costonan necesario di e proyecto, sino costonan profesional regular. Si bo ta di e opinion cu e proyecto no por continua si e aparato especifica no por ser compra o di huur, esaki mester ser splica explicitamente den e motivacion y e planesnan.
- E honorarionan di terseronan, cu ta haci trabounan pa e proyecto por ser inclui den e presupuesto. Sin embargo, no por haci peticion pa honorarionan pa terseronan cu ta participa den e proyecto den igualdad di condicionnan denter di un asociacion. Nan mes mester contribui o solicita un parti proporcional di e presupuesto. Pa e personal empleado di e solicitante cu di manera demostrabel ta coopera den e proyecto, maximo € 50 pa ora por ser hinca. Mester upload un copia di e ultimo estado di sueldo.

Mester indica e montantenan excluyendo btw. E montantenan ta ser asigna sin btw, a menos cu bo no ta mara na btw. E ora ey manda e prueba di oficina di impuesto cua ta indica cu bo no ta mara na btw.

No ta posibel haci un peticion pa:

- Publicacionnan imprevisto.
- Costonan profesional regular, manera huur di studio y literatura profesional.
- Costonan di material no relaciona cu e plan.
- Costonan de oficina manera telefon, internet y costo di envio.
- Costonan fiho continuo na Hulanda (por ehempel, si solicita un biahe o estadia den exterior).
- Costonan asocia na e estadia den exterior y cu ta den e asignacion di inversion di tempo: manera costonan di hotel, cuminda y costonan di biahe local.

Contribucion den e inversion di tempo

E solicitante no por solicita un honorario pa su mes, pero por solicita un subsidio di inversion di tempo. Mondriaan Fund a fiha un montante standard pa esaki di € 1,980 pa luna na Hulanda y den exterior (tempo completo). Den bo peticion, hustifica cuanto tempo bo trabou lo tuma. E inversion di tempo solamente por ser solicita pa e periodo aki. Por ta e caso cu den e periodo pa cua e peticion ta ser entrega no ta traha pa tempo completo riba e plan. Por lo tanto, semper bo mester indica den e peticion cuanto dia/parti di dia pa siman bo ta dedica na e proyecto. E asignacion pa inversion di tempo den exterior ta inclui tur e costonan di estadia asocia cu e estadia. Esaki ta nifica cu costonan



manera costonan di hotel, cuminda o costonan di biahe local no por ser hinca apart den e presupuesto.

Contribucion propio

Ta spera di e solicitante un contribucion personal minimo di 5% riba e costonan di subsidio, incluyendo e inversion di tempo. E contribucion aki por consisti di crowdfunding, sponsoring, subsidio di otro fondonan, contribucionnan di terseronan, un prestamo sin interesnan di Fonds Kwadraat o un contribucion di bo propio entradanan.

Contribucion total

E contribucion total ta ser calcula deduciendo e montante total di e entradanan di e montante total di e costonan di subsidio mas e inversion di tempo.

Anexonan na e presupuesto

- Caminda esaki ta posibel, mester hustifica e presupuesto cu ofertanan. Pa articulanon superior na € 1,000, e hustificacion, manera ta e caso di ofertanan, ta obligatorio.
- Si tin terseronan cu ta forma parti di e financiamiento di e plan, nos ta pidi bo pa upload e presupuesto total di e plan y no solamente e parti pa cua ta solicita un subsidio di Mondriaan Fonds. Por lo tanto, mester keda evidente cua ta e porcion di e cantidad solicita na Mondriaan Fonds.
- Bo mester upload hunto cu e peticion evidencianan di acuerdonan cu a ser realiza recientemente en relacion cu e realizacion di bo plannan, mediante copianan di correspondencia y/o contractonan cu organisadonan, museonan, galerianan, etc.
- Si varios financiado ta involucra den e proyecto, si a priminti un contribucion, e comprobante di asignacion mester ser di upload cu e peticion. Mondriaan Fonds por tuma contacto cu es nan involucra tocante co-financiamiento di e plan. Si ora bo manda e peticion no tur correspondencia ta disponibel, bo por manda esaki den consulta cu Mondriaan Fonds na un momento cu lo determina despues.

Si varios persona ta haci peticion pa e mes un proyecto, cada un di nan mester haci peticion pa un parti (proporcional) di e presupuesto total.

Preguntanan & contacto

Preguntanan tocante e presupuesto? Tuma contacto directo cu un empleado di Mondriaan Fonds. O yama 020 523 15 23 o manda un e-mail pa financien@mondriaanfonds.nl.

[Bart Fuijkschot](#)

empleado senior departamento financiero Manda un e-mail O yama +31 (0)20 523 1503

[Ingrid Senff](#)

empleado departamento financiero Manda un e-mail O yama +31 (0)20 523 1507

[Zuzana Hermanova](#)

empleado departamento financiero Manda un e-mail O yama +31 (0)20 523 1525